

Saunia e Marissa Widdison

Mekasini a le Ekalesia
E faavae i se tala moni

“Ou te fia vaai i le malumalu. “Ou te ulu i ai i se aso”
(Tusipese a Tamaiti, 99).

Na pulatoa atu Gioele ma Michele i le tulaga o le
Galuega i le isi itu o le auala. Sa mafai ona la iloa atu
le tele o pou uamea ma faaputuga o sima.

“E lei foliga lava o se malumalu,” na faapea mai ai
Gioele.

“Ae o le a foliga i ai i se aso,” na tali atu ai Michele.

O le uluai taimi lea na vaai ai le auso i le mea o
fausia ai le Malumalu i Roma Italia. I lea taimi sa tau
malaga lo latou aiga i Suitiselani e asiasi i le malumalu.
Ae o lea malumalu fou ua na o le 30 minute le mamao
mai lo latou fale!

Sa matamata Michele ma Gioele o la’u e loli sasama
lapopoa faaputuga palapala.

“Ou te manatu o o tonu o le a i ai le isi tumutumu,”

Vaavaai atu i le TUPUTUPU AE o le Malumalu o Roma



na faapea atu ai Michele, ao tusi atu i se nofoaga e latalata
i luma o le fale.

Sa lue le ulu o Gioele. “Vaai! O lea ua sau papa,” na
ia faapea atu ai. Sa ofu lo la tama i ona ofu faigaluega
masani—ofu lotu ma se pulou fau fale paepae. Sa ia galue o
se enisinia o mea tau eletise i totonu o le malumalu. Sa fiafia
i laua e faalogologo e uiga i mea na ia galue ai i aso taitasi.
Mo se faataitaiga, i se tasi aso na ia tau atu ai ia te i laua ua
taunuu mai le faatagata o Keriso. O se isi taimi na ia tau atu
ia i laua e uiga i le vai papatisoga.

O lena po, na faamautinoa e Michele e fai ana tatalo ma
faafetai atu i le Tama Faalelagi mo le malumalu. Sa ia maua
se lagona mafanafana i soo se taimi lava na te tatalo ai i ai.

Na mavae atu vaiaso. O puipui faaofuofu o le malu-
malu sa ufitia i maa malolosi, ma sa tutu ae ai tumu-
tumu uumi e lua agai i le lagi. Sa fausia se fale mo
tagata asiasi laitiiti e latalata ane i ai. Mai i lea taimi
i lea taimi, e o ai Gioele ma Michele e oomi o laua
foliga i le faamalama e vaai poo lea se mea ua sui.

Ona oo lea i se tasi aso ae faateia i laua i se tala
fou fiafia.

“Pe lua te fia matamata la i le faatagata o le
agelu o Moronae o tuu i le tumutumu o le malu-
malu?” Na fesili atu ai tina. O aiga o e na galulue i le
galuega sa valaaulia uma e matamata.

Sa faigata ona talitonu i ai Gioele ma Michele.
Sa matuai fiafia lava i laua!

O le taeao na sosoo ai na ofu ai o la ofutino papae
ma fusiua. Sa latou savavali faataamilo i le malumalu faa-
tasi ma isi aiga. Sa mafai foi ona pue se la ata faatasi ma
le agelu auro o Moronae. Sa maoae le tele!

Ona amata lea ona siitia e le aufaigaluega le faata-
gata. Sa matamata Gioele i le siligi lapoa o sii faateete
atu le agelu o Moronae i luga o se tasi o tumutumu. Sa
uu faatamilo se mea pue ata faalele i le ea i le pueina o
le ata. Sa matuai seki lava!

Sa mafaufau Gioele e uiga i tagata uma e mafai ona aoao e
uiga i le Ekalesia e ala i le asiasi i laueleele o le malumalu. Sa
ia mafaufau i le tele o tagata o le a faaipoipo iina ma tagata
o le a papatisoina e sui mo e ua maliliu.

“O lea la ua foliga e pei o se malumalu,” na ia tau atu ai
i lona uso. Sa ataata Michele ma lue lona ulu.

Sa lagona e le auso le fiafia. Sa fiafia i
laua e o i totonu o le malumalu i se taimi o
lata mai! Sa tuputupu ae faatasi a la molimau
faatasi ma le fale. ●

**O le Malumalu o Roma Italia
e faapaiaina i le vaiaso o Mati 10-12!**



ATA NA TUSIA E KEVIN KEELE